

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA

UREDBA
O IZMJENI I DOPUNAMA UREDBE O PRAVILIMA DISCIPLINSKOG POSTUPKA ZA
DISCIPLINSKU ODGOVORNOST DRŽAVNIH SLUŽBENIKA U ORGANIMA DRŽAVNE
SLUŽBE U KANTONU SARAJEVO

(NACRT)

Nosilac izrade:
Ministarstvo pravde i uprave

Sarajevo, juni 2023. godine

Na osnovu člana 55. stav (6) i člana 58. stav (4) Zakona o državnoj službi u Kantonu Sarajevo ("Službene novine Kantona Sarajevo" br. 31/16 i 45/19) i čl. 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 – Novi prečišćeni tekst i 37/14 – Ispravka), Vlada Kantona Sarajevo na _____, sjednici održanoj _____ 2023. godine, na prijedlog Ministarstva pravde i uprave, uz učešće sindikata, donosi:

(NACRT)

UREDBU

O IZMJENI I DOPUNAMA UREDBE O PRAVILIMA DISCIPLINSKOG POSTUPKA ZA DISCIPLINSKU ODGOVORNOST DRŽAVNIH SLUŽBENIKA U ORGANIMA DRŽAVNE SLUŽBE U KANTONU SARAJEVO

Član 1.

(Dopuna člana 12.)

U Uredbi o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo ("Službene novine Kantona Sarajevo" br. 22/20 i 23/22), u članu 12. stav (1) interpunkcijski znak "tačka" zamjenjuje se interpunkcijskim znakom "zarez" i dodaje se tekst: "ili novčanom kaznom do 30% od osnovne plaće državnog službenika, za period do šest mjeseci."

Član 2.

(Izmjena i dopuna člana 19.)

(1) U članu 19. stav (1) interpunkcijski znak "tačka" zamjenjuje se interpunkcijskim znakom "zarez" i dodaje se tekst: "ili novčanom kaznom do 30% od osnovne plaće državnog službenika, za period do šest mjeseci."

(2) U članu 19. stav (2) riječi: "novčanom kaznom do 30% od osnovne plaće državnog službenika, za period do šest mjeseci ili", brišu se.

Član 3.

(Dopuna člana 36.)

U članu 36. iza stava (5) dodaje se novi stav (6) koji glasi:

"(6) Rješenje iz stava (1) ovog člana odmah se dostavlja državnom službeniku protiv kojeg je pokrenut disciplinski postupak."

Član 4.

(Predmeti u toku)

(1) Započeti disciplinski postupci protiv državnih službenika koji nisu okončani do dana stupanja na snagu ove uredbe, okončat će se po propisima koji su važili u trenutku pokretanja postupka.

(2) Disciplinski predmeti koji se odnose na državne službenike u kojima je uložena žalba, a nisu okončani do dana stupanja na snagu ove uredbe, okončat će se po propisima koji su važili u trenutku pokretanja postupka.

(3) Predmeti iz stava (2) ovog člana dostavit će se Odboru za žalbe u roku od 15 dana od dana stupanja na snagu ove uredbe.

Član 5.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj: _____

Datum: _____

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo;

2. Zamjenici predsjedavajućeg Skupštine

Kantona Sarajevo, 3x

3. Premijer Kantona Sarajevo;

4. Ministarstvo pravde i uprave Kantona Sarajevo;

5. Za objavu u „Službenim novinama Kantona Sarajevo“;

6. Evidencija;

7. Arhiva.

O B R A Z L O Ž E N J E

I – PRAVNI OSNOV

Pravni osnov za donošenje ove uredbe je sadržan u čl. 55. stav (6) Zakona o državnoj službi Kantona Sarajevo ("Službene novine Kantona Sarajevo", broj 31/16 i 45/19) kojim je utvrđeno da Vlada Kantona na prijedlog Ministarstva pravde, uz učešće sindikata, donosi podzakonski akt kojim se uređuju pravila disciplinskog postupka, sadržaj zahtjeva za pokretanje disciplinskog postupka, rokovi zastare i druga pitanja od značaja za disciplinsku odgovornost državnog službenika, čl. 58. stav (4) Zakona o državnoj službi Kantona Sarajevo, kojim je propisano da Vlada podzakonskim aktom iz člana 55. stav (6) Zakona propisuje posebne uslove koje moraju ispunjavati članovi disciplinske komisije i način i postupak njihovog imenovanja, te u čl. 26. i 28. stav 1. Zakona o Vladi Kantona Sarajevo („Službene novine Kantona Sarajevo“, broj 36/14-Novi prečišćeni tekst i broj 37/14), kojim je utvrđena nadležnost Vlade da uredbom uređuje najvažnija pitanja iz nadležnosti Vlade Kantona, da se bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave.

II – RAZLOZI DONOŠENJA

Zaključkom Vlade Kantona Sarajevo, broj: 02-04-12820-36.2/23 od 20.04.2023. godine, zaduženo je Ministarstvo pravde i uprave Kantona Sarajevo da pripremi i Vladi Kantona Sarajevo dostavi mišljenje o opravdanosti izmjena Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo u pogledu definisanja strožijih disciplinskih mjera i kazni za državne službenike.

U postupku pripreme Informacije o razmatranju opravdanosti izmjena Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo, Ministarstvo pravde i uprave Kantona Sarajevo pribavilo je i mišljenje Disciplinske komisije Vlade Kantona Sarajevo broj 02/02-45- 24692/23 od 30.05.2023. godine, u kojem je, između ostalog, navedeno da je Disciplinska komisija saglasna da je u članu 12. stav (1) i članu 19. stav (1) Uredbe potrebno, pored postojećih, dodati i novu disciplinsku kaznu: "novčana kazna do 30% od osnovne plaće državnog službenika, za period do 6 (šest) mjeseci."

Ministarstvo pravde i uprave izradilo je Informaciju o razmatranju opravdanosti izmjena Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo i istu dostavilo Vladi Kantona Sarajevo na razmatranje.

Imajući u vidu da je Zaključkom Vlade Kantona Sarajevo broj: 02-04-27760-31/23 od 15.06.2023. godine prihvaćena Informacija Ministarstva pravde i uprave Kantona Sarajevo, ovo ministarstvo je pripremila Nacrt Uredbe o izmjenama i dopunama Uredbe o pravilima disciplinskog postupka za disciplinsku odgovornost državnih službenika u organima državne službe Kantonu Sarajevo.

III – PRAVNA RJEŠENJA

Član 1. - Ovim članom u članu 12. stav (1) Uredbe interpunkcijski znak "tačka" zamjenjuje se interpunkcijskim znakom "zarez" i dodaje se tekst: "ili novčanom kaznom do 30% od osnovne plaće državnog službenika, za period do šest mjeseci."

Član 2. - Ovim članom vrši se izmjena i dopuna člana 19. Uredbe, na način da se u stavu (1) interpunkcijski znak "tačka" zamjenjuje interpunkcijskim znakom "zarez" i dodaje se tekst: "ili novčanom kaznom do 30% od osnovne plaće državnog službenika, za period do šest mjeseci.", dok se u stavu (2) brišu riječi "novčanom kaznom do 30% od osnovne plaće državnog službenika, za period do šest mjeseci ili".

Član 3. - Ovim članom u članu 36. dodaje novi stav (6) kojim se propisuje da se rješenje o pokretanju disciplinskog postupka odmah dostavlja državnom službeniku protiv kojeg je pokrenut disciplinski postupak.

Član 4. - Ovim članom propisuje se postupak okončanja započetih disciplinskih postupaka.

Član 5. - Ovim članom propisuje se stupanje na snagu Uredbe.

IV – FINANSIJSKA SREDSTVA

Za provođenje ove Uredbe nisu potrebna dodatna finansijska sredstva iz Budžeta Kantona Sarajevo.